



# KOMPARTI'E

“ Señor Dios a  
dunami un lenga ku a  
wòrdu siñá, pa Mi  
por sa kon pa papia  
un palabra na tempu  
na esun ku ta kansá.  
E ta spièrta Mi  
mainta tras di  
mainta, E ta spièrta  
Mi orea pa tende  
manera un ku a  
wòrdu siñá ' . ”

(Isaias 50:4)



Miles no konose Hesus berdaderamente. Nos ta yama nan “ karné pèrdí,” pero asta nan no sa ku nan ta pèrdí. Y kon nan lo sa ku nan tin mester di Hesus si ningun hende ta splika esaki na nan?

Dios ta kuida pa tur persona riba e planeta aki i “ ta deseá pa tur hende wòrdu salvá i pa yega na un konosementu di e bèrdat ” (1 Tim. 2:4 NIV). Esaki ta inkluí tantu esnan ku no konos’E i esnan kende, tabata konos’E, a bira bai for di Su kamindanan.

Kon Dios a skohe pa alkansá tur e hendenan ei? Dor di nos. Esaki ta nos “ gran komishon(enkargo). ”



**Kiko nos mester kompartí?**



**E Gran Komishon**



**Kon nos por kompartí?**



**Imitando Hesus**



**Kultivando amistad**



**Kon pa trese esnan ku a bai bèk?**



**Dios ta buskando Su yiunan**



**Nos ta buskando esun ku a bai**

KIKO NOS MESTER  
KOMPARTÍ?

# E GRAN KOMISHON

“ Pesei bai i hasi disipelnan di tur nashonnan, batisando nan den nòmber di e Tata i di e Yiu i di e Spiritu Santu ” (Mateo 28:19)





“ Bai... [na] tur nashonnan ” tabata e mandato ku Hesus a duna na e hendenan kende a hala huntu pa mir’E despues di Su resurekshon (Mat. 28:18-19a).

Kiko nan mester a hgasi? Nan mester a bai i hasi disipelnan. Esei ta, pa hasi kontakto ku hendenan, batisá nan, i siña nan pa ta disipelnan di Hesus (Mat. 28:19-20).

E disipelnan ei, na nan turno, a siña otro disipelnan... i asin’ei pa dos mil aña ... te na nos mes dia. Awor, nos ta esunnan kende ta risibi Hesus Su mandato.

Manera Pedro i Juan, “ nos no por yuda di papia tokante di loke nos a mira i tende ” (Echonan 4:20). Nos por papia for di un púlpito, sklama den e kayanan, kompartí nos testimonio riba medio soshal, òf simplemente kompartí esaki ku un hende. Nos tur ta envolví.




KON NOS POR  
KOMPARTÍ?

# IMITANDO HESUS

“ Pasombra Kristu Su amor ta oblighe nos, pasombra nos ta konvensí ku ún a muri pa tur”  
(2 Korintionan 5:14a NIV)

**Kiko a motivá Hesus pa buska “ e karnénan pèrdí ” (Mat. 15:24)?**

**Indudabelmente, tabata Su amor pa nos (Mat. 9:36; Efe. 5:2). Tambe El a pone Su amor denter di nos, asina ku nos por kompartí esaki ku esnan kende ainda no konose Hesus. Tin bia, hende ta purba di forsa otronan pa aseptá Hesus pa nan mes bon. Pero esei no ta e método ku Dios a skohe.**




**Dios no a forsa Adam i Eva pa no peka. E no a forsa e antediluvianonan pa drenta e arka. E no a forsa e Ninivitanan pa asept'E. El a papia na nan ku amor i a spierta nan di e konsekuensianan di sigui nan propio kamindanan.**

**Dor di imitá Hesus, nos ta mustra Su amor na otronan, i ta invitá nan pa siguiE.**

# KULTIVANDO AMISTAT

“...Sea semper prepará pa duna un kontesta na kada un ku pidi boso pa duna un rason pa e speransa ku boso tin. Pero hasi esaki ku mansidumbre i rèspèt.” (1 Pedro 3:15)

Nos tur ta predikadornan di Hesus i a wòrdu komandá pa prepara nos mes pa esaki (1 Pedro 3:15). Pero no ta tur di nos sa kon pa prediká. Sinembargo, nos tin e promesa ku Dios mes lo duna nos e palabranan nesesario (Isaias 50:4).



Aki tin algun tepnan simpel pa tene na mente segun ku bo ta konsiderá kon pa ta mas intenshonal tokante di kompartí Hesus ku otronan:



Hasi pa konose un hende i konstruí un amistad durante di tempu



Hasi orashon pa e Spiritu Santu obra riba e persona su kurason. Resa pa e oportunitatnan korekto interaktua ku nan



Buska maneranan natural pa papia tokante di bo propio eksperensianan di fe òf ofresé un orashon pa nan



Buska maneranan pa konektá bo amigu nobo ku otronan for di bo iglesia



Resa tokante di e nesesidatnan spesífiko òf preguntanan ku bo amigu nobo lo por tin



Buska un oportunitat pa mostra nan kon e Beibel ta ofresé konsuelo, konseho, i guiansa den nos bida



Lo bini un tempu bo lo kier puntra si bo amigu lo ta desea pa studia e Beibel ku bo. Mas lat, bo amigu lo por desea pa wòrdu batisá

KON PA TRESE ESNAN  
KU A BAI BÈK?

# DIOS TA BUSKA SU YIUNAN

“ Ta Efrain ta Mi yiu hòmer stimá, e yiu den ken Mi tin delisia? Maske frekuentemente Mi ta papia kontra di djé, tòg Mi ta kòrda riba djé. Pesei, Mi kurason ta anhela na djé; ‘ Mi tin gran kompashon p’è,’ Señor ta deklará.” (Jeremias 31:20 NIV)



Na un sierto punto, Dios Su pueblo a splet: Efrain ( e reino di nort ) a bandoná Dios; Juda ( e reino di sùit ) a keda fiel.

Apesar di su abandon, Dios a sigui konsiderá Efrain komo Su yiu hòmer stimá (Jer. 31:20). Asta El a deskribí su wela, Raquel, komo yorando pa su yuinan hòmer, kende a muri den nan pikánan (Jer. 31:15).



Esnan kende a sirbi Dios i despues a bandon’E, Dios ta sigui yama na nan ku amor. Nan ta Su yuinan, i E ta stima nan i persistentemente ta urgi nan pa bolbe bèk na djE.

Podisé algun di nos propio yuinan, kende ántes tabata konose e fe, a bandoná esaki. Leu di bira nos lomba na nan, nos mester sigui stima nan i papia kariñoso na nan. Dios ta rekòrdá nos ku nan ta e opheto di Su kompashon di mas tierno, i sinseramente E ta desea ku nan lo bolbe bèk na djE.



# NOS TA BUSKANDO ESUN KU A BAI

“ Ounke Mi ta plama nan meimei di e pueblonan, tòg den teranan leu nan lo kòrda riba Mi.  
Nan i nan yiunan lo sobrebibá, i nan lo bini bèk ” (Zakarias 10:9 NIV)



Nos kasá; nos yiu hòmber; nos yiu muhé; nos amigu; nos bisiña; e ruman hòmber òf ruman muhé ei kende tabata akustumbrá di sinta riba e banki di Iglesia ei... Un dia nan a adorá ku nos, pero awor unda nan ta?

Tin hopi motibunanan (rasonnan) pakiko hende ta laga e Iglesia. Nos no a wòrdu yamá pa huzga nan motibunanan, kritiká nan motibunanan, òf simplemente lubida tokante di nan.

Nos deber ta pa bai i buska nan i trese nan bèk na e tou. Kon nos ta hasi esaki? Promé, dor di hasi orashon. Di dos, dor di ta un ehèmpel di amor i kariño pa ku nan.

E testimonio di bo bida, bo akshonnan, palabranan, i orashonnan pa un hende kende a dual for di Dios por kambia radikalmente nan bida i nan futuro.



**“ Dios lo por a komprometé e mensahe di e evangelio, i tur e trabou di ministerio amoroso, na e angelnan selestial. E lo por a utilisá otro medionan pa logra Su propósito. Pero den Su amor infinito El a skohe pa hasi nos ko-obreronan ku Su mes, ku Kristu i e angelnan, pa nos lo por kompartí e bendishon, e goso, e elevamentu spiritual, kual ta resultá for di e ministerio no pichiri(generoso) aki. [...]**

**Si bo lo bai traha manera Kristu ta diseñá ku Su disipelnan lo hasi, i gana almanan p’E, lo bo sinti e nesesidat di un eksperensia mas profundo i un konosementu mas grandi den kosnan divino, i lo sinti hamber i set pa hustisia. Lo bo roga ku Dios, i bo fe lo wòrdu fortalesé, i bo alma lo bebe awa mas profundo na e pos di salbashon. Topando oposishonnan i pruebanan lo manehá bo na e Beibel i orashon. Lo bo krese den grasia i e konosementu di Kristu, i lo desaroyá un eksperensia riku ”.**

•